



X^{AU} FESTIVAU DE TEATRE ENA ESCÒLA

Cada escòla o centre escolar poderà representar ua òbra.
Era representacion des òbres se harà en ua des dues sales disponibles:
Sala d'actes dera Escòla Garona de Vielha e Sala d'Actes der Ajuntament de Les.
Eth Conselh Generau meterà autocars a disposicion des escòles tath desplaçament de toti es sòns escolans.
Es òbres se representaràn pendent era primavera deth 2017.

Tèma, preparacion e presentacion :

Es òbres representades pòden èster originaus e inedites, adaptacions o non d'òbres existents, e en aranés (occitan d'Aran).

Eth tèma e eth genre dramatic ei liure.

Era durada dera òbra virarà ath torn des 30 minutes.
Se facilitaràn, en cas que se demanen, es mesures exactes der scenari, mès non se poderà ensajar *in situ*.

Es escòles an de dar prioritat ara interpretacion sus es decorats e vestiari tà agilitzar tant com se pogue era representacion.

Eth Conselh participarà enes despenes que se poguen originar ara ora dera representacion des òbres damb un totau de 240 € per escòla o grops d'escòles participants (cada centre aurà de gestionar aquesta quantitat e presentar ena Tresaureria deth Conselh Generau, era relacion de factures qu'acrediten es despenes hètes, amassa damb un ofici signat pera secretària o secretari deth Centre.)
Eth Conselh editarà tanben es programes de man damb eth resum des òbres, es actors e es diferents personatges, donades qu'enviaràn es escòles damb auança tath Departament de Cultura e Lengua. Tanben s'entregarà un CD de fòtos e un video dera òbra a cadua des escòles e se balharà un diplòma as participants despús dera representacion.
Se convidarà ara direccion de cada escòla participanta entà assistir tara Serada d'entrega des prèmis enes dies propèrs ara Hèsta d'Aran, laguens des actes corresponents ara sua celebracion.

2017



XXVII^{AU} CONCURS LITERARI MN CONDÒ SAMBEAT



X^{AU} CONCURS DE DIBUISH ENA ESCÒLA



X^{AU} FESTIVAU DE TEATRE ENA ESCÒLA



V^{AU} CONCURS DE COMIC

XXVII^{au} CONCURS LITERARI MN CONDÒ SAMBEAT

Categoria Narracion

Nivèu A:

Entà estudiants de cincau e siesau de primària.
Minim 2 huelhes DIN A-4, sonque per ua cara.
Prumèr prèmi 100 € e diplòma
Finalista 75 € e diplòma
Dus accèssits de 50€ cada un damb diplòma.

Nivèu B:

Entà estudiants de primèr e dusau d'ESO.
Minim 3 huelhes DIN A-4 sonque per ua cara.
Prumèr prèmi 125 € e diplòma
Finalista 100 € e diplòma
Dus accèssits de 75 € cada un damb diplòma

Nivèu C:

Entà estudiants de 3au e 4au d'ESO.
Minim 6 huelhes DIN A-4, sonque per ua cara.
Prumèr prèmi 175 € e diplòma
Finalista 125 € e diplòma
Dus accèssits de 100 € cada un damb diplòma

Categoria Poesia

Nivèu A:

Entà estudiants de cincau e siesau de primària.
Minim 12 vèrsi.
Prumèr prèmi 100 € e diplòma
Finalista 75 € e diplòma
Dus accèssits de 50 € damb diplòma.

Nivèu B:

Entà estudiants de primèr e dusau d'ESO.
Minim 16 vèrsi.
Prumèr prèmi 125 € e diplòma
Finalista 100 € e diplòma
Dus accèssits de 75 € cada un damb diplòma

Nivèu C:

Entà estudiants de 3au e 4au d'ESO.
Minim 25 vèrsi
Prumèr prèmi 175 € e diplòma
Finalista 125 € e diplòma
Dus accèssits de 100 € cada un damb diplòma

BASES

1. Presentacion dera òbra:

- Cau que signetz era òbra que presentatz damb un lèma o subernòm vedible.
- Presentaratz era òbra adjunhent damb un clip ua petita envolòpa. En **exterior** d'aguesta envolòpa i auratz de méter eth lèma o subernòm e era categoria e nivèu a qué correspon. **Laguens** dera envolòpa introdusiratz un papèr damb es vòstes donades: nòm e cognòms, adreça, edat, categoria, nivèu e –plan important- un o mès numèros de telefòn de contacte. Se vos platz non presentetz es òbres separades des envolòpes en cas que portetz amassa totes es d'un cors o classa.
- Non s'acceptaràn es trabalhs a on a simpla vista s'i veigue eth nòm der autor.
- Presentatz es vòsti trabalhs mecanografiats.
- Ei obligatòri de presentar es òbres en supòrt informatic ath delà d'en supòrt papèr. Mesura dera hònt: 12, interlinhat 1,5. Eth supòrt informatic des trabalhs serà der entorn windows (preferentament word).
- Sonque s'acceptaràn trabalhs a man se son deth Nivèu A.

2. Presentacion dera òbra: Sonque s'acceptarà ua òbra per nivèu, mès podetz presentar-vos enes desparières categories



3. Era òbra a d'èster inedita.

- Es trabalhs an d'èster redigits en aranés o en quincevolh des auti dialèctes o variantes der occitan.
- Es trabalhs s'auràn de presentar en Departament de Cultura e Lengua deth Conselh Generau d'Aran abans deth **21 d'abriu de 2017**.
- Era composicion deth jurat e eth sòn veredict se haràn a conéisher en ua serada de liurament de prèmis enes dies propèrs ara Hèsta d'Aran, laguens des actes corresponents ara sua celebracion. En cas de qu'es guanhadors des prèmis non poguen assistir tad aguesta serada de liurament de prèmis, auràn de cercar a quauquarrés (amic o familiar) que pogue representar-les e recuèlher eth prèmi.
- Es òbres presentades demoraràn en propietat deth Conselh Generau d'Aran.



X^{au} CONCURS DE DIBOISH ENA ESCÒLA

Categories concors de diboish:

- 1èr e 2au. primària
- 3au. e 4au. primària
- 5au. e 6au. primària



Categories concors de comic:

- 1er, 2au. ESO
- 3au. e 4au. ESO
- Bachelierat e Formacion Professionau.

Tecnica: Liura (aquarèlles, gredons de colors, ceres, tempères, etc...), eth supòrt tanben ei liure.
Non an d'èster presentadi emmarcadi.
Non s'acceptaràn òbres presentades en 3 dimensions.

Tèma concors de diboish e comic: Es mestièrs
Tèma concors de comic: Liure

Presentacion: Es diboishi e comics se presentaràn signadi per un subernòm ath pè deth diboish e tanben damb era categoria ara quau apertien. Ena part de darrèr deth diboish s'i meterà eth nòm dera escòla o centre. En ua envolòpa a part, damb eth subernòm dehòra, s'i meteràn, laguens, es donades der autor/autora: nòm e cognòms, edat, categoria, telefòn o telefòns de contacte e adreça postau. Aguesta envolòpa se junherà damb un clip ath diboish o comic.

Eth diboish s'aurà de hèr ena escòla, laguens dera activitat de plastica, jos era supervision deth professor-a d'aguesta matèria. Non se pòt hèr en casa. Es categories que

V^{au} CONCURS DE COMIC

corresponen a 1èr, 2au, 3au, 4au d'ESO e ath Bachelierat e Professionau òc que pòden trabalhar en casa. Sonque se poderà presentar un diboish o comic per mainatge/mainada. **E en cò que hè as comics s'avalorarà tanben eth tèxte qu'aurà de redigir-se en lengua occitana, o en quincevolh des dialèctes o variantes d'aguesta.**

Plaç de presentacion: **20 d'abriu de 2017**

Prèmis concors de diboish:

-1èr-2on. e 3au-4au de primària: Estug complèt de diboish tàs premiadi (1èr. prèmi, Finalista e accèssit).
Prèmis per categoria

- Era categoria de 5au, 6au. de Primària :

1èr. Prèmi de cada categoria: 150 €

Finalista de cada categoria: 100 €

2 accèssits de cada categoria de 50 €

-Prèmis concors de comic

-Es dues categories de 1èr-2au. e 3au.- 4au. ESO

Prèmis per categoria

1èr. Prèmi : 150 €

Finalista : 100 €

2 Accèssits de 50 €

-Categoria de Bachelierat e Professionau

1èr. Prèmi: 200 €

Finalista: 150 €

2 accèssits de 100 €

-Es prèmis s'entregaràn enes dies propèrs ara Hèsta d'Aran, laguens des actes corresponents ara sua celebracion. Es guanhadors des prèmis enes diuèrses categories auràn d'assistir tara serada de liurament de prèmis e, en cas de non poder-i assistir, auràn d'enviar a quauquarrés (familiar o amic) que les represente e remasse eth prèmi.